



Broj: 01-207/12
Vareš, 27.12. 2012. godine

Z A P I S N I K
s 42. sjednice Općinskog vijeća Vareš,
održane 19.09. 2012. godine

Josip Malbašić – predsjedavajući Općinskog vijeća Vareš, otvorio je 42. sjednicu s početkom u 9,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Ešref Likić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutni – Dženana Bešić, Ivan Lučić i Nihad Parić.

Pored vijećnika sjednici prisustvuju: Općinski načelnik - Hamdo Fatić, sekretar Općinskog vijeća - Leon Pavlović, pomoćnici općinskog načelnika, predsjednici političkih stranaka, poslanik u Skupštini ZDK – Fahrudin Brkić i predstavnici OSCE – Terenski ured Zenica Johanna Kieselak i Dragan Vuković.

Sekretar Općinskog vijeća izvijestio je Vijeće o realizaciji Zaključaka s 41. sjednice OV održane 31.07.2012. godine i dostavljenim odgovorima na vijećnička pitanja. Općinsko vijeće na 41. sjednici donijelo je 6 Zaključka. Od tog broja 3 Zaključka su realizovana, 1 Zaključak je u toku realizacije, a za 2 Zaključka Služba nema podataka, a za očekivati je da su i oni u toku realizacije. Na 41. sjednici OV postavljeno je 10 vijećničkih pitanja. Na 4 vijećnička pitanja, nadležni su dostavili odgovor podnosiocima pitanja u pisanoj formi, a na 6 pitanja Služba nema podataka o odgovoru.

Općinski načelnik Hamdo Fatić u okviru aktuelne problematike na području općine Vareš, izvijestio je Vijeće o aktuelnim dešavanjima na području općine Vareš. U posljednje vrijeme završena su tri projekta iz vodnih naknada (rezervoar na Kadarićima, vodovod Mačak i vodovod Zubeta) i ostaje samo još za vodovod Mačak da se plati elektro priključak, postupak je u toku. Upoznao je Vijeće da je prošle sedmice Općinu Vareš, podsjetio Ministar, koji je dao obećanje da će se iz rezervi Ministarstva za poljoprivredu, vodoprivredu i šumarstvo obezbjediti sredstva, tako da će u toku ove godine završiti se radovi na cjevovodu za MZ Kadarići. Podsjetio je Vijeće da je završena kapela na Višnjicima i da su završeni mostovi iz projekta GAP-a u Dubošćici. Žalba BBM Vareš je odbijena koja se odnosi na tri projekta (put Daštansko-Višnjići, Zarude-Strica i Neprivaj). U vezi s tim, jučer je upućeno pismo Federalnom ministarstvu prometa u kome se traži suglasnost za ugovaranje posla za put Daštansko-Višnjići, a za druga dva posla, pismo će se uputiti sutra. Projekat u vezi gradskih ulica je pri kraju i nadam se da bi iduće sedmice i to se trebalo završiti. Što se tiče regionalnog puta, upoznao je Vijeće da firma koja je trebala prošle godine završiti radove na putu do Ivančeva, da će u narednih mjesec dana to i uraditi, odnosno da će biti urađen asfalt na putu do Ivančeva. U vezi projekata ekonomske prirode, a koji se odnose na postupke prodaje, odnosno dobivanja koncesija i prodaje Rudnika željezne rude i Rudnika olova, cinka i barita, izvijestio je Vijeće da su oni u toku. Oba projekta bi se trebala završiti do kraja oktobra mjeseca tekuće godine. Prije par dana otvoren je

tender za koncesiju ruda olova, cinka i barita i samo se jedna firma prijavila, to je firma koja je kupila Rudnik olova, cinka i barita u stečaju. Tu ne bi trebalo biti nikakvih prepreka, ima još samo posla oko imovinsko-pravnih problema koje oni hoće da riješe, tako da se nada da bi se taj posao trebao uspješno završiti. U vezi ruda željeza izvijestio je Vijeće da je upoznat da je potpisan protokol sa kanadskom firmom, tu ima obećanje da bi do kraja septembra mjeseca tekuće godine, trebala se uplatiti sredstva u iznosu oko 3,5 miliona KM, odnosno sve obaveze Rudnika željezne rude, prvenstveno prema Poreskoj upravi, doprinosi, dio plaća, tako da se nada da će se i taj postupak vrlo brzo završiti. Postupak koncesija za rude željeza još nije pokrenut, trebalo bi i to u toku zime biti završeno, ako u roku od narednih mjesec dana, firma plati sve obaveze Rudniku. U vezi koncesija koje se odnose na Mini centralu koja je prošla na tenderu (od Prnjavora do Pajtov Hana), izvijestio je Vijeće da je investitor bio u Općini Vareš i da je dao čvrsta obećanja da će prije zime krenuti sa realizacijom tog projekta. Tu još nije potpisan ugovor, ali i to bi se trebalo brzo završiti. U vezi koncesija kamenoloma ispod Očevije, podsjetio je na činjenicu da nema Zakona o šumama, pa Ministarstvo za poljoprivredu, vodoprivredu i šumarstvo ne može dati šumarsku suglasnost za potpis tog ugovora, znači samo se ta suglasnost čeka. Na tu temu, Općinski načelnik imao je razgovor sa Ministrom i dobio je informaciju da Kanton priprema Zakon o šumama koji bi trebao biti brzo donesen.

Predsjedavajući OV pozvao je vijećnike koji nisu zadovoljni sa dobivenim odgovorom na vijećnička pitanja ili imaju dopunska pitanja, da se izjasne.

Predsjedavajući OV je konstatovao da se nitko od vijećnika nije javio za riječ.

(Vijećnička pitanja)

Elvir Rožajac

1. Šta je sa obnovom škole u MZ Ravne?
2. Nigdje nema planiranog zaseoka Kosići za vodu, u planu za Mačak je bio i u vezi s tim traži da se riješi problem vodovoda u zaseoku Kosići?

Tajiba Brkić

3. U ime mještana MZ Vareš Majdan postavila je pitanje: Da li će se ubuduće moći angažovati radnici na čišćenju ulica u Vareš Majdanu?
4. Da li postoji mogućnost da se na lokalnim putevima izvrši sanacija do nastupajuće zime?

Mato Pavić

5. Šta se dešava sa javnom rasvjetom u gornjem dijelu Vareša, a posebno sa dijelom Selišta gdje nema javne rasvjete, a sijalice odnosno rasvjetna mjesta su sklonjena i odnesena? Odgovor traži Općinskog načelnika na današnjoj sjednici.

Džemo Kevrić

6. Da li će se ove godine raditi na sanaciji dijela puta Striježevo-Kokošćići? Odgovor traži od Općinskog načelnika na današnjoj sjednici.
7. U ime mještana MZ Zubeta postavio je pitanje: Zar je moguće naplaćivati vodu po izradi vodovoda, ako pumpa ove godine nije uopšte uključena?
8. Podsjetio je na pitanje postavljeno na prošlim sjednicama a u vezi održavanja predizbornih skupova za Lokalne izbore u domovima mjesnih zajednica i ponovo postavio pitanje: Zašto ništa nije urađeno vezano za saniranje domova kulture po mjesnim zajednicama?

Ismet Abdulahović

9. Pitanje upućeno OSCE-u i Općinskom načelniku: Da li je stid načelnika što grupa građana iz Dabravina, tj. predstavnici u ovom Općinskom vijeću koji se zalažu za građane idu na Sud, tuženi su od strane JKP d.o.o. Vareš zato što su se borili za građane MZ Dabravine?
10. Pitanje postavljeno OSCE-u: Da li Vi podržavate to što se radi od vijećnika Općinskog vijeća Vareš, da dobivamo tužbe za rad u Općinskom vijeću zato što štitimo interese građana, a ne štitimo interese pojedinaca i kriminalaca? Traži odgovor odmah na današnjoj sjednici.

Majda Muftić

11. Zašto nisu predviđena uložena, usmjerena sredstva, bar minimalna za sanaciju puteva koji nisu asfaltirani, odnosno makadamski putevi? Traži od Općinskog načelnika pismeni odgovor: Zašto nije saniran put? (dio puta za Ligatiče).

Za riječ se javio Općinski načelnik koji je dao usmene odgovore na neka postavljena vijećnička pitanja:

- U vezi saniranja mjesne škole u MZ Ravne, odgovorio je da je Ugovor potpisan i da se danas uvodi izvođač radova u poslove.
- U vezi pitanja vijećnika Elvira Rožajac i Džeme Kevrić, vezano za vodovod odgovorio je da je tehnički moguće riješiti naselje Kosići sa vodovoda Ravne, a ne sa Mačka, jer je viša kota Kosića nego Mačka. Izjavio je da je dobio informaciju da se vodovod u MZ Ravne preda na upravljanje JKP d.o.o. Vareš i da neće biti nikakvih problema. Odgovor za Zubeta i Ravne.
- U vezi puteva, napomenuo je da još nije plaćena zimska služba (350.000 KM otišlo je na zimsko održavanje) i da nema sredstava za popravljjanje makadamskih puteva.
- U vezi domova u mjesnim zajednicama, odgovorio je da se ne slaže sa vijećnikom Džemom Kevrić i da tamo gdje imaju domovi da su oni uredu.
- U vezi javne rasvjete, pitanje vijećnika Mate Pavić, odgovorio je da nije bilo novčanih sredstava 12.000 KM da se kupi materijal i da je Općina Vareš aplicirala u nadležno Federalno ministarstvo sa puno projekata, ali još nema zvaničnog odgovora.

Predsjedavajući OV stavio je na raspravu zapisnike sa 41. redovne sjednice OV i 1. Svečane sjednice OV u povodu obilježavanja Dana općine Vareš.

Nije bilo primjedbi i predsjedavajući OV stavio je na izjašnjanje zapisnik sa 1 Svečane sjednice OV i nakon izjašnjanja vijećnika konstatovao da je **zapisnik sa 1. Svečane sjednice OV jednoglasno usvojen.**

Predsjedavajući OV stavio je na izjašnjanje zapisnik sa 41. sjednice OV i nakon izjašnjanja vijećnika konstatovao da je **zapisnik sa 41. sjednice OV jednoglasno usvojen.**

Na raspravu je stavljen prijedlog dnevnog reda iz poziva za 42. sjednicu OV uz ispravku koja se odnosi na tačku 1. a vezano za naziv-formu odluke. Komisija za statutarna pitanja i propise je na osnovu generalnog stava, da sve odluke idu u dva čitanja, izmijenila naziv-formu odluke tako da tačka 1. glasi: Nacrt Odluke o određivanju privrednih subjekata i pravnih lica koja su obavezna donijeti Plan zaštite od požara i provesti određene mjere za unapređenje zaštite od požara na području općine Vareš.

Uz naprijed navedenu izmjenu drugih prijedloga dopune dnevnog reda 42. sjednice OV nije bilo.

Predsjedavajući OV stavio je na izjašnjavanje prijedlog dnevnog reda iz poziva za 42. sjednicu OV sa prijedlogom izmjene i nakon izjašnjavanja konstatuje da je **jednoglasno usvojen s l i j e d e ć i**

Dnevni red

- 1. Nacrt Odluke o određivanju privrednih subjekata i pravnih lica koja su obavezna donijeti Plan zaštite od požara i provesti određene mjere za unapređenje zaštite od požara na području općine Vareš.**
- 2. Nacrt Odluke o utvrđivanju granica naseljenih mjesta na području općine Vareš.**
- 3. Nacrt Odluke o raspisivanju izbora za članove Savjeta mjesnih zajednica na području općine Vareš.**
- 4. Izvještaj/Izvješće o realizaciji Programa rada Općinskog vijeća Vareš za prvo polugodište 2012. godine.**
- 5. Izvještaj o realizaciji Odluke općinskog fonda za vatrogastvo u 2011. godini.**
- 6. Izvještaj o provođenju Zakona o upravljanju i održavanju stambenih i stambeno-poslovnih zgrada, podzakonskih akata, Općinskih propisa i pojedinačnih akata.**
- 7. Informacija o vodosnabdijevanju i odvozu smeća na području općine Vareš i održavanju javnih površina.**
- 8. Program finansiranja komunalnih djelatnosti za 2013. godinu.**
- 9. Tekuća pitanja.**

Ad. 1.

(Nacrt Odluke o određivanju privrednih subjekata i pravnih lica koja su obavezna donijeti Plan zaštite od požara i provesti određene mjere za unapređenje zaštite od požara na području općine Vareš.)

Komisija za statutarna pitanja i propise na 34. sjednici održanoj 11.09.2012. godine jednoglasno je donijela slijedeći Zaključak:

- **Komisija za statutarna pitanja i propise sugeriše ovlaštenom predlagачu da se u članu 2. Nacrta Odluke provjeri zašto neke javne ustanove i javna preduzeća nisu navedena, odnosno zašto nema potrebe za njihovim navođenjem, ili da se u članu 3. iste Odluke preciziraju subjekti koji su obavezni donijeti odnosno uskladiti Plan zaštite od požara. Komisija nema drugih primjedbi na Nacrt Odluke o određivanju privrednih subjekata i pravnih lica koja su obavezna donijeti Plan zaštite od požara i provesti određene mjere za unapređenje zaštite od požara na području općine Vareš, te ga upućuje Vijeću na razmatranje.**

Ispred predlagачa, pomoćnik načelnika Željko Franjić dao je kratko objašnjenje za ovu tačku dnevnog reda i predložio dopunu člana 2. Nacrta Odluke sa nazivima pravnih subjekata i to pod rednim brojem 34. JPU „Dječije obdanište“ Vareš, redni broj 35. JU Centar za socijalni rad Vareš i pod rednim brojem 36. JP „Veterinarska stanica“ d.o.o. Vareš.

Predsjedavajući OV je konstatovao da predloženi amandmani ovlaštenog predlagачa postaju sastavni dio Nacrta Odluke.

Otvorena je rasprava u kojoj su svoje primjedbe, prijedloge i sugestije iznijeli vijećnici: Džemo Kevrić, Mario Mirčić, Milan Knežević, predsjedavajući OV Josip Malbašić i Željko Franjić pomoćnik načelnika koji je dao dodatna pojašnjenja

Zaključena je rasprava i predsjedavajući OV predložio je slijedeći

Zaključak:

- 1. Utvrđuje se Nacrt Odluke o određivanju privrednih subjekata i pravnih lica koja su obavezna donijeti Plan zaštite od požara i provesti određene mjere za unapređenje zaštite od požara na području općine Vareš,**
- 2. Nacrt Odluke iz tačke 1. ovog Zaključka upućuje se na javnu raspravu u trajanju od 60 dana,**
- 3. Zadužuje se Općinski načelnik i Služba za civilnu zaštitu da pripreme i provedu javnu raspravu u skladu sa aktima Vijeća,**
- 4. Prijedlozi i sugestije u toku javne rasprave, predlagač će uzeti u razmatranje kod izrade Prijedloga akta,**
- 5. Po završenoj javnoj raspravi, predlagač će sačiniti prijedlog akta i Izvještaj o sprovedenoj javnoj raspravi i dostaviti Vijeću na razmatranje,**
- 6. Zaključak stupa na snagu danom donošenja.**

Za riječ se javio vijećnik Džemo Kevrić i podsjetio na diskusiju predsjedavajućeg, vođenu u raspravi u vezi pozivanja pravnih subjekata na javnu raspravu, a u konačnom zaključku to nije precizirano.

Predsjedavajući OV izjavio je da to u zaključku nije u toj mjeri precizirano, ali da se podrazumijeva da pravni subjekti imaju najveći interes i da sve što je izneseno u okviru rasprave po ovoj tački dnevnog reda, to Služba koja radi mora uzeti k znanju i mora u provedbi ovog akta primijeniti i uvažiti sve primjedbe i sugestije iznesene u raspravi.

Nakon izjašnjavanja vijećnika predsjedavajući OV je konstatovao da je sa **18 glasova „ZA“ usvojen predloženi Zaključak.**

Ad. 2.

(Nacrt Odluke o utvrđivanju granica naseljenih mjesta na području općine Vareš.)

Komisija za statutarna pitanja i propise na 34. sjednici održanoj 11.09.2012. godine jednoglasno je donijela slijedeći Zaključak:

- **Komisija za statutarna pitanja i propise sugeriše ovlaštenom predlagaču da Nacrt Odluke uskladi sa Zakonom, odnosno Statutom općine Vareš, a u vezi naziva naseljenih mjesta. Komisija nema drugih primjedbi na Nacrt Odluke o utvrđivanju granica naseljenih mjesta na području općine Vareš, te ga upućuje Vijeću na razmatranje.**

Predlagač nije imao dodatno objašnjenje za ovu tačku dnevnog reda.

Otvorena je rasprava u kojoj su učestvovali vijećnici: Džemo Kevrić, Elvir Rožajac, sekretar OV Leon Pavlović i predsjedavajući OV koji je na traženje vijećnika Džeme Kevrić dao određene pojašnjenja za ovu tačku dnevnog reda.

Zaključena je rasprava i predsjedavajući OV predložio je slijedeći

Zaključak:

1. Utvrđuje se Nacrt Odluke o utvrđivanju granica naseljenih mjesta na području općine Vareš,
2. Nacrt Odluke iz tačke 1. ovog Zaključka upućuje se na javnu raspravu u trajanju od 60 dana,
3. Zadužuje se Općinski načelnik i Služba za društvene djelatnosti i BiZ da pripremi i provede javnu raspravu u skladu sa aktima Vijeća,
4. Prijedlozi i sugestije u toku javne rasprave, predlagač će uzeti u razmatranje kod izrade prijedloga akta,
5. Po završenoj javnoj raspravi, predlagač će sačiniti Prijedlog akta i Izvještaj o sprovedenoj raspravi dostaviti Vijeću na razmatranje,
6. Zaključak stupa na snagu danom donošenja.

Nakon izjašnjavanja vijećnika predsjedavajući OV je konstatovao da je sa **18 glasova „ZA“** usvojen predloženi Zaključak.

Ad. 3.

(Nacrt Odluke o raspisivanju izbora za članove Savjeta mjesnih zajednica na području općine Vareš.)

Komisija za statutarna pitanja i propise na 34. sjednici održanoj 11.09.2012. godine jednoglasno je donijela slijedeći Zaključak:

- **Komisija za statutarna pitanja i propise nema primjedbi na Nacrt Odluke o raspisivanju izbora za članove Savjeta mjesnih zajednica na području općine Vareš, te ga upućuje Vijeću na razmatranje.**

Predlagač nije imao dodatno objašnjenje za ovu tačku dnevnog reda.

Otvorena je rasprava u kojoj su svoje primjedbe, prijedloge, sugestije i mišljenja iznijeli vijećnici: Jasmin Salketić, Elvir Rožajac, predsjedavajući OV Josip Malbašić koji je predložio slijedeće amandmane:

1. **Amandman se odnosi na član 4. Nacrta odluke i on glasi: „Izbore za članove Savjeta mjesnih zajednica na području općine Vareš će provesti Općinska izborna komisija“.**
2. **Amandman se odnosi na član 5. Nacrta odluke i on glasi: „ Članovi Savjeta mjesnih zajednica i predsjednici mjesnih zajednica biraju se tajnim glasanjem, a po postupku i načinu utvrđen Statutom Mjesnih zajednica“.**

Predsjedavajući OV dao je obrazloženje za predložene amandmane.

Ispred predlagača Rusmir Berberović pomoćnik načelnika dao je obrazloženje za ovu tačku dnevnog reda i u ime predlagača prihvatio predložene amandmane.

Zaključena je rasprava i predsjedavajući OV konstatovao je da su prihvaćeni amandmani postali sastavni dio Nacrta odluke.

Predsjedavajući OV predložio je slijedeći

Zaključak:

1. **Utvrđuje se Nacrt Odluke o raspisivanju izbora za članove Savjeta mjesnih zajednica na području općine Vareš,**

2. **Nacrt Odluke iz tačke 1. ovog Zaključka upućuje se na javnu raspravu u trajanju od 60 dana,**
3. **Zadužuje se Općinski načelnik i Služba za društvene djelatnosti i BiZ da pripremi i provede javnu raspravu u skladu sa aktima Vijeća,**
4. **Prijedlozi i sugestije u toku javne rasprave, predlagač će uzeti u razmatranje kod izrade prijedloga akta,**
5. **Po završenoj javnoj raspravi, predlagač će sačiniti Prijedlog akta i Izvještaj o sprovedenoj raspravi dostaviti Vijeću na razmatranje,**
6. **Zaključak stupa na snagu danom donošenja.**

Nakon izjašnjavanja vijećnika predsjedavajući OV je konstatovao da sa **18 glasova „ZA“ usvojen predloženi Zaključak.**

Ad. 4.

*(Izvještaj/Izvješće o realizaciji Programa rada
Općinskog vijeća Vareš za prvo polugodište 2012. godine)*

Sekretar OV Leon Pavlović dao je obrazloženje za ovu tačku dnevnog reda.

Otvorena je rasprava u kojoj su učestvovali vijećnici: Tajiba Brkić i Džemo Kevrić.

Zaključena je rasprava i predsjedavajući OV stavio je na izjašnjavanje Izvještaj/Izvješće o realizaciji Programa rada Općinskog vijeća Vareš za prvo polugodište 2012. godine.

Nakon izjašnjavanja vijećnika, predsjedavajući OV je konstatovao da sa **17 glasova „ZA“ usvojen**

*(Izvještaj/Izvješće o realizaciji Programa rada
Općinskog vijeća Vareš za prvo polugodište 2012. godine.)*

Ad.5.

*(Izvještaj o realizaciji Odluke Općinskog
fonda za vatrogastvo u 2011. godini.)*

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izvještaj o realizaciji Odluke Općinskog fonda za vatrogastvo u 2011. godini.

Nakon izjašnjavanja vijećnika, predsjedavajući OV konstatuje da je sa **17 glasova „ZA“ usvojen**

*(Izvještaj o realizaciji Odluke Općinskog
fonda za vatrogastvo u 2011. godini.)*

Ad. 6.

(Izveštaj o provođenju Zakona o upravljanju i održavanju stambenih i stambeno-poslovnih zgrada, podzakonskih akata, Općinskih propisa i pojedinačnih akata.)

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje prijedloge i mišljenja iznijeli vijećnik Elvir Rožajac i predsjedavajući OV Josip Malbašić.

Predsjedavajući OV stavio je na izjašnjavaње Izveštaj o provođenju Zakona o upravljanju i održavanju stambenih i stambeno-poslovnih zgrada, podzakonskih akata, Općinskih propisa i pojedinačnih akata.

Nakon izjašnjavaња vijećnika predsjedavajući OV konstatuje da sa **15 glasova „ZA“ i 2 „SUZDRŽANA glasa usvojen**

Izveštaj o provođenju Zakona o upravljanju i održavanju stambenih i stambeno-poslovnih zgrada, podzakonskih akata, Općinskih propisa i pojedinačnih akata.

Ad. 7.

(Informacija o vodosnabdijevanju i odvozu smeća na području općine Vareš i održavanju javnih površina.)

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Mario Mirčić, Mato Pavić, Ismet Abdulahović,

Zaključena je rasprava i predsjedavajući OV predložio je Vijeću da Vijeće primi k znanju Informaciju o vodosnabdijevanju i odvozu smeća na području općine Vareš i održavanju javnih površina uz slijedeći

Zaključak:

- **Obavezuje se Općinski načelnik i nadležna Služba da u skladu sa iznesenim opaskama vijećnika Abdulahović Ismeta i Pavić Mate, preispitaju potrebe za postavljanjem dodatnih kontejnera i uvođenje dodatnih termina za odvoz smeća u spomenutim područjima.**

Nakon izjašnjavaња vijećnika predsjedavajući OV konstatuje da je sa **17 glasova «ZA» usvojen predloženi Zaključak i primljena k znanju**

Informacija o vodosnabdijevanju i odvozu smeća na području općine Vareš i održavanju javnih površina.

Ad. 8.

(Program finansiranja komunalnih djelatnosti za 2013. godinu.)

Predlagač nije imao dodatno objašnjenje za ovu tačku dnevnog reda.

Otvorena je rasprava u kojoj su svoje primjedbe, prijedloge, sugestije i mišljenja iznijeli vijećnici: Elvir Rožajac, Džemo Kevrić, Jasmin Salketić, Tajiba Brkić, Ismet Abdulahović, predsjedavajući OV Josip Malbašić i Ermin Musa predstavnik predlagača.

Zaključena je rasprava i predsjedavajući OV na osnovu rasprave po ovoj tački dnevnog reda predložio je slijedeći

Zaključak:

- **Da se Program finansiranja komunalnih djelatnosti usvoji danas u formi Nacrta i da se obaveže nadležna Služba da se Nacrt Programa dostavi u sve mjesne zajednice na području općine Vareš sa zahtjevom da u roku od 15 dana, Služba dobije povratni informaciju i ako postoji potreba može se održati sjednica Vijeća samo radi Programa finansiranja komunalnih djelatnosti za 2013. godinu, jer zvanični mandat sadašnjeg saziva Vijeća traje do 07. 10. 2012. godine.**

Nakon izjašnjavanja vijećnika predsjedavajući OV konstatuje da je **sa 16 glasova «ZA» usvojen predloženi Zaključak i**

*Nacrt Programa finansiranja
komunalnih djelatnosti za 2013. godinu.*

Ad. 9.

(Tekuća pitanja)

1. Predsjedavajući OV upoznao je prisutne da je Općinskom vijeću upućena Molba za rješavanje problema snabdijevanja pitke vode od strane MZ Javornik naselje Ponikva (Pribarak). Predsjedavajući OV predložio je slijedeći

Zaključak:

- **Obavezuje se Općinski načelnik da preispita navedeno u predstavi i da se ovaj problem žurno riješi u skladu sa Odlukama Vijeća.**

Nakon izjašnjavanja vijećnika predsjedavajući OV je konstatovao da je **sa 16 glasova „ZA“ usvojen predloženi Zaključak.**

2. Predsjedavajući OV upoznao je prisutne da je Vijeću upućena predstavka – inicijativa za prijedlog izmjene odluke od strane BH Pošte – Odjeljenje pravnih, kadrovskih i općih poslova Zenica, a u vezi velikih cijena koštanja komunalnih usluga, tačnije cijene prikupljanja, odvoza i deponovanja komunalnog otpada, koje naplaćuje JKP d.o.o. vareš, a čiji je cjenovnik odobren od strane Općinskog vijeća Vareš.

Predsjedavajući OV predložio je slijedeći

Zaključak:

- **Obavezuje se Općinski načelnik i nadležna Služba da razmotre i preispitaju Inicijativu BH Pošta i ukoliko ima argumentovanih razloga, da se onda pristupi izmjeni odluka Vijeća, a ukoliko nema onda se neće pokretati takve procedure.**

Nakon izjašnjavanja vijećnika predsjedavajući OV je konstatovao da je **sa 16 glasova „ZA“ usvojen predloženi Zaključak.**

3. Predsjedavajući OV upoznao je prisutne da je Općinskom vijeću upućen Odgovor Nadzornog odbora JKP d.o.o. Vareš na Zaključak Općinskog vijeća a u vezi njihovog traženja hitnog donošenja novih uputa i smjernica vezanih za problem upravljanja javnim vodovodom MZ Dabravine.

4. Predsjedavajući OV upoznao je prisutne da je Općinskom vijeću na znanje upućeno Obavještenje vezano za probleme oko snabdijevanja vodom naselja Pržići, Tisovci i Bijelo Borje od strane JKP d.o.o. Vareš. Obavještenje je dostavljeno MZ Pržići, općina Vareš.
5. Predsjedavajući OV upoznao je prisutne da je Općinskom vijeću na znanje upućeno Obavještenje JKP d.o.o. Vareš, koje je dostavljeno Općinskom načelniku, u kome nas obavještavaju da su JKP d.o.o. Vareš dana 28.08. 2012. godine blokirani transakcijski računi od strane J.P Elektroprivreda BiH „Elektrodistribucija“ Zenica, a na ime neizmirenih obaveza starog duga i kamata za električnu energiju vodovoda Očevja. JKP d.o.o. Vareš traži od Općinskog načelnika da obaveze koje Općina Vareš ima prema njima izmiri odmah, a najkasnije do 03.09.2012. godine.
6. Rusmsir Berberović pomoćnik načelnika za društvene djelatnosti i BiZ upoznao je Vijeće o aktivnostima i uspješno završenoj velikoj akciji pod nazivom „Očistimo planetu Zemlju za jedan dan“ koja je bila 06.09. 2012. godine.

Predsjedavajući OV u svoje lično ime zahvalio se Vijeću na suradnji, i da ukoliko neko ima zamjerki na njegov rad u ovom mandatu, da ih neće shvatiti osobno, nego da je to bilo u funkciji zaštite integriteta ovog Vijeća kao institucije. Zahvalio se i Hamdi Fatiću Općinskom načelniku i njegovim suradnicima koji su u situaciji kakva jeste, nastojali da suradnja bude maksimalno korektna. Izjavio je da se nada da će naredni saziv Vijeća poboljšati kvalitet rada i da će se stvoriti preduvjeti da novoizabrani načelnik bude imao bolju situaciju nago što je imao sadašnji. Mišljenja je da su svi u dobroj mjeri nastojali pružiti maksimalno da bi smo ovaj rad što uspješnije završili.

Predsjedavajući OV predložio je da se u narednih mjesec dana organizuje jedno druženje, kao što je to bila praksa i ranijih saziva Vijeća.

Općinski načelnik u ime svojih suradnika, pomoćnika i ostalih i u svoje lično ime, zahvalio se na suradnji i zatražio oprost ako je nešto i lično i kroz svoj rad nekoga uvrijedio. Zamolio je nove vijećnike da Općinsko vijeće Vareš i Načelnik u budućem mandatu, malo više budu bliži jedni drugima, odnosno insistira na jedinstvu, zajedničkom zalaganju, jer se tako može nešto postići na višim nivoima vlasti.

Sastavni dio ovog Zapisnika je audio zapis sjednice.

Sjednica je završena u 11 sati i 55 minuta.

SEKRETAR

Leon Pavlović

PREDSJEDAVALAČI

Zdravko Marošević

ZAPISNIČAR

Azra Ibrahimović